

ASIA

ARLOA: Musika
MAILA: Lehen Hezkuntzako 1., 2. eta 3. mailak
DENBORALIZAZIOA: 6 ordu, 30 minutu

HELBURU OROKORRAK

- Euskarazko IKT baliabideei esker, ikasleen konpetentzia musikala garatzea.
- Herrialde ezberdinetako kultura ezagutzea.

HELBURU ESPEZIFIKOAK

- Asiako zenbait dantza, abesti, berezitasun eta bitxikeria ikastea.
- Berdinen arteko komunikazioa bultzatzea.
- Aurkezpen-gaitasunak garatzea.
- Taldeko lana sustatzea.

JARDUEREN SEKUENTZIA

A) HASIERAKO FASEA

1. JARDUERA: Kontinentea ezagutzen

B) GARAPEN-FASEA

2. JARDUERA: Herrialdeak ezagutzen
3. JARDUERA: Sri Lanka
4. JARDUERA: Hego Korea
5. JARDUERA: Israel
6. JARDUERA: Filipinak

C) AMAIERAKO FASEA

7. JARDUERA

A) HASIERAKO FASEA

1. JARDUERA: Kontinentea ezagutzen

Denbormalizazioa	45 minutu
Materiala	Arbela, idazteko materiala (boligrafoa, papera, ordenagailua...), informazioa bilatzeko materiala (liburuak, entziklopedia, Internetarako sarbidea duen ordenagailua...)
Helburuak	Landuko duten kontinentea ezagutzea.

Hasierako fase honetan, landuko duten kontinentea ezagutuko dute ikasleek. Hasteko eta behin, ikasle bakoitzak Asiari buruz dakiena kontatuko du, izan bertan egon delako, interesatzen zaiolako, nonbaiten entzun duelako, pelikula batean ikusi duelako edo dena delakoagatik. Kontakizun guztiak izango dira baliozkoak.

Ondoren, ikasleak binaka jarriko dira eta galdera batzuei erantzun beharko diete. Amaitzeko, landuko diren herrialdeak mapan kokatu beharko dituzte. Azken ariketa hau binaka egin daiteke edo, arbel digitala egonez gero, denon artean egin dezakete ariketa.

B) GARAPEN-FASEA

2. JARDUERA: Herrialdeak ezagutzen

Denbormalizazioa	Ordu bat
Materiala	Arbela, idazteko materiala (boligrafoa, papera, ordenagailua...), informazioa bilatzeko materiala (liburuak, entziklopedia, Internetarako sarbidea duen ordenagailua...)
Helburuak	<ul style="list-style-type: none"> ● Landuko dituzten herrialdeei buruzko informazioa eskuratzea. ● Egokitutako herrialdeari buruzko aurkezpena egitea.

Jarduera honetan, talde txikietan jarriko dira ikasleak eta talde bakoitzari herrialde bat esleitu zaio. Ondoren, talde bakoitzak egokitu zaion herrialdeari buruzko informazio hau bilatu beharko du gutxienez:

- Non dago kokatuta?
- Nola du izena bere kostak?
- Zenbat biztanle ditu?
- Zein da jaki ohikoena?

Galdera gehiagori erantzuteko askatasuna emango zaie ikasleei. Ondoren, berriro taldekatzeak egingo dira; horrela, talde bakoitzean herrialde bakoitzeko pertsona bat egongo da gainerako kideei herrialdea aurkeztu ahaliko diena.

3. JARDUERA: Sri Lanka

Denboralizazioa	Ordu bat
Materiala	Abestia ikasteko bideoa
Helburuak	Sri Lankako abesti bat ikastea.

Sri Lanka landuko dute jarduera honetan. Han, hondartzak, basoak eta animalia ugari daude. Hangoa da *Ani Le* abestia. Bertan, urtxintxa bati buruz hitz egiten da. Ikasleek abesti hau ikasi beharko dute. Ikasi aurretik, galdera honen erantzuna aurkitu beharko dute bakarka: lehen, nola zuen izena Sri Lankak?

4. JARDUERA: Hego Korea

Denboralizazioa	Ordu bat
Materiala	Abanikoak egiteko materiala (papera, margoak, gometsak...) eta dantza ikasteko bideoa
Helburuak	<ul style="list-style-type: none"> • Abanikoak egitea. • Dantza bat ikastea.

Hego Koreako abestia irudikatzen, abanikoak egin beharko dira. Horretarako pausoak bideoan azaltzen dira. Abaniko bakoitza egiteko, bi orri beharko ditu ikasle bakoitzak. Komeni da bakoitzak bi abaniko egitea. Apaintzeko, nahi bezala egin dezakete: aurretik apaindu eta gero tolestu, edo, bestela, lehendabizi tolestu eta ondoren apaindu.

Behin eskulan hau amaitutakoan, Hego Korea lantzeko aukeratutako abestiaren dantza ikasi beharko dute ikasleek.

5. JARDUERA: Israel

Denbormalizazioa	Ordu bat
Materiala	Israelgo abesti bat eta dagokion dantza ikasteko bideoa
Helburuak	<ul style="list-style-type: none"> ● Hebraierazko kanta bat ikastea. ● Dantza bat ikastea.

Hebraierazko *Dodi Li* abestia eta dagokion dantzaren pausoak ikasi beharko dituzte. Kantuak bi gazteren maitasun-istorioa kontatzen du. Horrez gain, bakarrik abestu nahi duen norbait baldin badago taldean, zatitxoren bat berak bakarrik abestera gonbidatuko zaio.

6. JARDUERA: Filipinak

Denbormalizazioa	Ordu bat
Materiala	Abestia ikasteko bideoa
Helburuak	<ul style="list-style-type: none"> ● Filipinei buruz informazioa jasotzea. ● Filipinetako abesti bat ikastea.

Herrialde honen kasua berezia izango da; izan ere, Filipinetako pertsona batek gidatuko du jarduera hau. Bera Phoebe Biton da eta Filipinetako Panay inguruko sehaska-kanta bat abesteaz gain, Filipinak zer diren, non kokatzen diren eta zenbat zatitan banatzen diren azalduko die ikasleei. Bideoekin batera, ikasleek abesti bat ikasi beharko dute.

C) AMAIERAKO FASEA

7. JARDUERA

Denboralizazioa	45 minutu
Materiala	Arbela, idazteko materiala (boligrafoa, papera, ordenagailua...), informazioa bilatzeko materiala (liburuak, entziklopedia, Internetarako sarbidea duen ordenagailua...)
Helburuak	<ul style="list-style-type: none">● Ahozotasuna garatzea.● Herrialde ezberdinak ezagutzea.

Azken ariketa honen bidez, kontinente honetan landu diren herrialdeetatik gehiena zein gustatu zaien aukeratzeko eta hautua arrazoitzeko eskatuko zaio ikasle bakoitzari. Jarduera hau talde handian egingo dute, iritziak partekatzeko eta baita ahozotasuna lantzeko ere. Ondoren, ezagutu nahiko lukeen leku bati buruzko informazioa aurkitu beharko du ikasle bakoitzak. Horretarako, ondorengo galde hauetaz osatutako gidalerroa eskainiko zaie:

- Non dago kokatuta?
- Kostarik ba al du?
- Zergatik ezagutu nahi duzu?

Ondoren, binaka jarriko dira eta aukeratutako herrialdea elkarri aurkeztuko diote.